

云フ、又同所大報恩寺等ニテハ、遺教經ヲ訓讀シテ、遺教經會又ハ訓讀會トモ云フ、又此涅槃ハ、經ニ常樂我淨ヲ涅槃ノ四德ト云フ、事アルニヨリテ、興福寺、四天王寺、金剛峯寺等ニハ、之ヲ常樂會トモ云ヘリ、此日民間ニテハ、寺ニ詣デ、又炒豆、糕餅等ヲ佛ニ供スルヲ例トス。

〔隨意錄七〕釋迦之死、稱涅槃、涅槃梵語、釋曰示寂、釋氏之說云、佛之死示寂而已、非真死也、今謂其死非真死也、則其生亦以爲非真生、斯其不生不死、畢竟空之說、與莊周冥死、生以爲虛無、其見全同焉耳。

〔祖庭事苑六法眼〕涅槃、此云大圓寂、刊定唯識論說、有四種涅槃、一、自性清淨涅槃、凡聖同有、二、有餘依涅槃、障有苦依身故、三、無餘依涅槃、出生死苦無依故、然小乘以滅爲智、爲無餘依、無餘有三、一煩惱餘、二衆餘、三果報餘、大乘則以究竟實所爲無餘、故智論說、四住地煩惱、盡名涅槃、即涅槃易生死、不住、二乘灰斷變、涅槃即真無住、名爲無餘、

〔閱藏知津二十五〕大般涅槃經四十、南率賓歸王、北涼中天竺沙門曇無讖譯

壽門品第一、佛在拘尸那城、力士生地、阿利羅跋提河邊、娑羅雙樹間、二月十五日、臨涅槃時、大聲普告衆生、若有所疑、今悉可問、爲最後問、面門放光、徧照十方、爾時八十百千諸比丘、六十億比丘尼、一恒河沙菩薩、二恒河沙優婆塞、三恒河沙優婆夷、四恒河沙諸離車等男女大小、五恒河沙大臣長者、六恒河沙諸王眷屬、七恒河沙諸王夫人、八恒河沙諸天女等、九恒河沙諸龍王等、十恒河沙諸鬼神王、二十恒河沙金翅鳥王、三十恒河沙乾闥婆王、四十恒河沙緊那羅王、五十恒河沙摩睺羅伽王、六十恒河沙阿修羅王、七十恒河沙陀那婆王、八十恒河沙羅刹王、九十恒河沙樹林神王、千恒河沙持呪王、億恒河沙四方風神、十萬億恒河沙主雲雨神、二十恒河沙大香像王、二十恒河沙師子獸王、二十恒河沙諸飛鳥王、三十恒河沙水牛牛羊、二十恒河沙諸神仙人、一切蜂王、一切山神、海神、河神皆悉集會、樹林變白、猶如白鶴、四天王、三十三天乃至第六天、大梵天王、阿修羅王、所設供養倍々勝前、佛皆不受、魔王獻供并護法、呪佛受其呪不受其供、大自在天王設供倍前、東方虛空等佛、遣無邊身菩薩